



靈媧石

寶漢署

光緒十一年  
三月碧聲  
吟館開雕



夫中兩殊稟畢訖合誼慨妾婦之有道識巾幗之當遺妙  
察所均閨態非病矧河閒軼事僅憶談娘豫章僑人熟聞  
子夜老婢之聲可作女郎之詩自傳

碧聲館主鴿鷓不鳴鴛鴦若待醇酒觸緒香艸留詞靡曼  
施之芳澤華丹簪其窈窕冰霜萬里雷霆一呼忘刻畫而  
戒唐突黜孽嬖而尙貞義方斯鬚目繹彼德容洵乎拂鑑  
迴影與隴廉釋情列錦辨文令閨媿吐氣者矣黃佩初結  
楸勝乍飛呼秋水而識莊誦小山而感屈裙帶何處癡絕  
望塵疆環忽成悵深繫羃異時諠流玉撥製想銀泥惟覺  
靈媧石

眾篇並作有上官采麗益新詞理無滯隨太守心形俱服  
而已癸未九月愍寮

靈媧石題辭

昆明汪世澤少谷

昔聞人化石今借石傳人一片煙雲幻千秋面目真名姝  
留小影明月認前身步步虛靈境先生筆有神

歙縣鄭由熙曉涵

儻風憇雨碧空破補天不牢石飛墮墮地化爲形影神妍  
者媿者態畢真爲忠爲孝爲節操衣冠罕此巾幗倫詞人  
亦具造化手甄陶松煙入壘白故是坡老操銅琶肯逐耆  
卿歌楊柳米顛拜石石不樂先生寫石石能活乾坤撐拄  
靈媧石

二

完堅貞不是人間搏土人

嘉興張鳴珂公東

巾幗鬚眉媿零璣鍊女媧纏綿託忠愛歌哭見才華樂府  
千秋業優曇一霎花何當喚雙髻尊酒侑琵琶

應山何煥章端甫

吟館詩成手自編女師一卷又新傳蛾眉心事留文藻麟  
筆精神入管絃厯宦情知蟬翼薄憐才心似繭絲圓可能  
更製霓裳曲回首觚稜隔眾仙

滿江紅

德清許德裕韻堂

摘豔薰香要比作千秋險史亦不是情天寫恨慾都夸美  
窈節同瀚脂粉習姘音待砭箏琶耳想連宵彩筆吐穠華  
光簪珥 門前過妻顏泚播間乞閨人恥嘆古今多少鬚  
眉泥滓解穢無須搗羯鼓揚芬且自舉洲芷鍊雲根補此  
漏蒼穹存微旨

靈媧石



三

屈到嗜菱劉邕嗜痴性各有所偏也佻儂承蜩蛻螂搏糞  
情各有所專也自古性情之用未能執一余之愛詞曲無  
乃類是暇輒爲之嘗與慙寮主人論列國名姝之可記者  
主人曰元明以來工此者多矣如驪姬登臺敷女進食皆  
可排演已先有爲之者因與決擇得十二人均有關目可  
寓勸懲余唯唯燈前酒後信筆揮灑人事冗雜不免作輟  
逾月而始成篇質之主人主人曰游戲之文如是焉已矣  
因思同里項蓮生自序其憶雲詞曰不爲無益之事何以  
遣有涯之生余之爲此其亦此意也夫

靈媧石

四

光緒癸未秋七月玉泉樵子自敘於碧聲吟館



靈媧石目錄

伯嬴持刀

忠妾覆酒

無鹽拊膝

齊媾投身

莊姪伏幟

奚妻鼓琴

徐吾會燭

魏負上書

靈媧石

聶姊哭弟

繁女救夫

附錄

西子捧心

鄭褒教鼻



靈媧石

玉泉樵子填詞

伯嬴持刀

上四兵四將執刀槍旗幟上淨盔甲加袍黃蓋二兵搖櫓

北中呂粉蝶兒整肅軍威。猛兒郎來從吳會。湖長江駭浪。崔嵬列旌旂。排旂艦。弓刀小隊得意揚帆。遙望著武昌山。錦屏環翠。

統攝蘇臺十萬兵。長驅直搗漢陽城。楚咻莫慢誇人眾。笑指蠻荆一掃平。孤乃吳王闔閭向與楚國唇齒相依。近聞他暗結秦邦。腹心爲患。因此統師東下。問罪要盟。

靈媧石

人稱楚尾吳頭。如今教他尾大不掉。昨日接到來書。約定會戰。柏舉軍將們鼓勇向前者。眾應領旨。兵將擁生。

上合圍各軍分列兩旁。生淨見介生。寡君覲長荆襄。未

能修政教。勞大王興師。曷勝慚愧。淨非也。我兩國輔

車相依。聞你近來暗結西秦。覬覦我國。是何道理。生秦

楚世結婚姻。動關休戚。歲時聘問。使者相望於途。何謂

暗結。淨哇。楚人多詐。明明絕我和好。還欲強辭。孤家此

來。定要與你見箇高低。戰介眾軍吶喊。擁下照常兵將

對戰。楚軍敗下。生淨大戰。生敗下淨。眾軍將乘勝追入。

郢中下楚軍曳旗奔上生隨上吳兵勇猛勢不可當軍士們不可入城隨我連夜西行親往秦國乞援便了

醉春風猝遇將驍雄頓使人憔悴家亡國破恨無窮膽滿懷痛泪但願得逃入秦關併來漢水雄師驟會

奔下淨率眾上作入城介 哈哈被我一場大戰殺得他

片甲無存如今逃往別處去了眾軍將就此搶入宮中去者眾領旨下眾宮嬪急上不好了大王不知存亡聽

得一派喊聲吳軍進宮來了如何是好

迎仙客霎時間張毒霧鼓驚雷殿閣重重付劫灰痛琴焚

靈媧石

二

九重城闕  
煙塵生

悲花菱說甚麼翠繞珠圍拚得箇骨粉身先碎

淨率眾上 將一班宮女閉置後宮待孤家慢慢的選擇

眾領旨 驅眾下淨 來此何地眾此為永巷淨打進去且

持刀二宮女隨上 妾秦國之女名曰伯贏楚平王之妻

昭王之母也大王之來妾固知之其有待而未即死者

有言欲為大王陳之淨眾軍退後汝試為孤言之且妾

聞天子者天下之表公侯者一國之儀天子失制則天

下亂諸侯失節則其國危矣

紅綉鞋萬象當歸經緯羣倫悉受栽培端的要垂旒黻續

示無爲自然的綱目張宣德意條教備守成規把彝倫明  
庶類。

從來夫婦之道爲人倫之始王教之端是以明王之制  
男女不親授坐不同席食不共器殊施枷異巾櫛所以  
施之也若諸侯外淫者絕卿大夫外淫者放士庶人外  
淫者宮割夫然者以爲仁失可復以義義失可復以禮  
男女之失亂亡興焉法律之嚴正爲防維之密也

石榴花惟淫萬惡屬渠魁因此上法令動風雷要天綱人  
紀兩無虧自古來明君留懿範化始宮幃端仗你人倫扶  
靈媧石

重語長心鄭

植鋤淫穢體天。物與人歸。單只爲寡君不道。今難悔。淚  
介致累我拋露獨含悲。

夫造亂亡之端公侯之所絕天子之所誅也今君王棄  
儀表之行縱亂亡之欲犯誅絕之事何以行令訓民乎  
要孩兒其身不正難爲國恐天道從來聽卑兒箕風畢雨  
更難違慢矜誇強盛之威要普施雨露勤培植莫強布雷  
霆枉折摧民暑畏只怕的心難歸市口易成碑

錚錚有聲

舉刀介  
妾聞生而辱不若死而榮若君王棄其儀表則  
無以臨國妾有淫端則無以生世一舉而兩辱妾以死

守之不敢承命且所欲妾者爲樂也近妾而死何樂之  
有如先殺妾又何益於君王

詞嚴義正

一煞自生成冰雪操。卻享受錦繡圍。坤儀細省無疵類。難道子孫繩蠶歌。蠡羽也可許。福履綏將賦。葛纍知出語。多狂悖。但表明中曲。遑計安危。

淨大笑介

哈哈夫人何必如此請靜守此宮不相擾也

眾軍士隨我回宮去者

領眾下且咳只恨我楚國自納

建婦以來禍患相尋至於家亡國破我一婦人何能挽

天心而回國運言之實可痛心也

淚介

靈媧石

四

煞尾動干戈。驚闔里。兆禍亂。始庭幃。縱申明大義。先慚愧。險把我清白身。做了亂兵中刀頭上鬼。

掩淚下宮女

夫人好大膽嚇殺我們了

隨下

忠妾覆酒

正旦俾裝隨貼上一帶垂楊繞畫樓無邊芳艸綠迎眸。  
天涯都是勞人跡。不解何緣思婦愁。奴家巫氏衛人主。  
夫之妻丈夫筮仕於周於今兩載矣。撇我青春捱他白。  
晝。幸喜窺牆有客。絕少瓜李之嫌。因此擁被無愁。不作。  
藁礎之夢。旣情投而意合。久經嚙臂盟深。亦夕戀而朝。  
歡。轉比畫眉樂勝。前日接到家書。丈夫言歸有日。如何。  
是好待他過來商箇長策方好。丑上戀香蜂蝶性。敗興。  
雁鴻書。夫人有禮。貼有禮有禮。冤家到矣。丑我正爲此。

靈媧石

五

思量幾日沒箇法見。你可有什麼妙計。貼計到右一箇。  
但不知你的心究竟如何爲此游移未決。丑阿呀天吓。  
我的心早已掉在你心窩裏去了。你還不知道。樓貼介  
正旦怒目視丑避下。貼你果然真心待我。我便說與你。  
知道。並肩坐介貼

宛轉關生  
南商調二郎神。心中想這機事。週身費忖量。怕船到江心。  
先斷漿。躊躇數四。自家破綻。須防好似賊膽心。虛難放蕩。  
怎能敲巧言相誑。丑這便怎麼好。貼你不用著急。我實對。  
你說罷。我留佳釀。管教他長鯨一吸。迸裂肝腸。

正旦掩上聽介貼 我已備得毒酒一壺待他回來好言  
 誘之然後進以毒酒不怕他死豈非一無痕迹那時  
 與你可作長久夫妻了 丑 好極好極但此事只可我知  
 你知千萬慎密不要漏洩 正旦咋舌下貼 我自理會這  
 早晚恐他回來你且不要過來 丑 摟介 教我怎樣熬得  
 過 貼 推介 啐你且去罷 笑下丑出生上丑撞介生怒介  
 哂 丑 原來是二爺得罪得罪 下生 豈有此理我從學堂  
 中歸來嘗見鄰舍家交頭接耳諱笑可疑今日見此情  
 形確有九分了我哥哥指日便回倒要留心覺察才好  
 可恨那可恨 下末上副淨家丁隨上末

轉林鶯一鞭驛路揮夕陽歸心馬足同忙猛可裡家門欣  
 在目轉教人意愜心愜梓桑無恙料不至故園榛莽祝平  
 康荆花紫豔喜氣挹蘭房

作到下馬介副淨 老爺回來了 牽馬下末進介貼迎上

相公果然回來了 末 夫人 貼 相公路途辛苦了裏面坐

罷 正旦上 老爺叩頭 末 罷了 貼 侍兒快報二爺知道 正

旦下末 夫人在家可好 貼 相公阿我自你那日出門之

後呵

啄木鷲垂羅幔卸靚粧不敢登樓頻眺望恨只恨遠樹煙  
光盼只盼歸路帆檣想着你風霜驛路多悽愴想着你孤  
單客邸無依傍九迴腸青年伉儷忽爾變參商

生上恨無大力驅梟獍喜報佳音詠鵲鴿哥哥回來了

兄弟拜見末常禮罷兄弟果然長成了學問想益精進

生從師課讀未敢怠荒哥哥回來益有秉承矣末好是

吾家千里駒也生哥哥才回與嫂嫂自有話說兄弟暫

退出門回視貼拂袖介鎮日撫膺多積忿暫時袖手作

旁觀下貼相公想未晚膳妾身備有酒食與相公洗塵

靈媧石

七

末前途喫過了生受夫人貼侍兒快暖酒來正旦持盤

上

前腔悲和喜吉共殃片刻教人難主張他只道和靄生祥  
那知是酖毒成方我好似萬枝箭鏃在胸中射我好似一  
羣麋鹿在心頭撞這酒呵那裡是落歡腸分明要一時三  
刻便去見無常

貼侍兒快來正旦作戰介生掩上背聽介正旦來來來

了這便怎處明知此為毒酒進之則殺主人是謂不義  
言之必殺主母是謂不忠喔有了作進門跌倒盤翻地

下末貼皆驚介生下狗上搶食下末怒介狂婢無禮至  
此家法何在、打介主母一片好心、全被你傾壞了、可恨  
可恨、貼背介賤人如此可惡、一定知我機關、倘然漏洩、  
我的性命不保、不如先結果了他、轉介相公路上辛苦、  
且進去歇息、待妾身來責罰他、未夫人與我痛打實屬  
可恨、怒下貼打介

黃鶯兒、奴婢忒猖狂、舊時恩、一旦忘、分明做出喬模樣、顯  
得你心思靈巧、手段高強、對頭兒與我來、廝撞昧天良、試  
看我無情家法、一霎裡、送伊行。

靈媧石

八

痛打介未內叫介夫人、不要氣壞了、明日再打罷、貼來  
了、今日權饒你活一夜、明日再與你算帳、下正且痛哭  
起立介這是那裏說起

前腔、冤莫顛穹、蒼罪名兒我自當、甘心忍受無情棒、縱使  
我地塗肝腦、也有他天鑒心腸、這滿懷心事、和誰講、觸飛  
殃、想必是命中註定、雖立斃、亦何妨。

對此如何  
不淚垂

哭下生上莫信直中術、須防人不仁、我因哥哥回來、放  
心不下、處處覺察、昨晚見侍兒捧着酒盤、張皇失措、我  
便尾之而行、明明聽他說、此爲毒酒、進之則殺、主人言

之則殺主母好了頭佯跌在地將酒傾翻揖介謝天謝

地這是祖宗保佑幸遇此婢今早起來見廚下一狗已

斃口角流血此是實證了昨晚聽得侍兒挨打半夜我

若不說此婢性命固然不保以後事端尤不可測我若

說了哥哥性急嫂嫂亦復難保性命思量半夜計較重

輕還是說明的爲是因此趁早過來邀請哥哥向丙介

哥哥可曾起身未上兄弟爲何恁早生兄弟有句話說

請哥哥書房中少坐未如此同行作到介生哥哥拜揖

未此禮何來小哥哥事關重大兄弟不得不直說了哥

靈媧石

九

哥出門之後嫂嫂不守清規未喔難道與人通姦生兄

弟從學堂回來嘗見街坊鄰舍沸沸揚揚也不能深知

前日那鄰人從嫂嫂房中出來與兄弟撞箇滿懷才知

事屬有因昨晚侍兒搬着酒盤頗形急遽弟卽尾之而

行明聽他說此爲毒酒進之則殺主人言之則殺主母

不忠不義何以爲人爲此佯跌在地將酒傾翻哥哥未

怎麼生若不相信來來來這狗便是昨晚地下搶食的

你看他口角可是血麼未大怒介淫婦竟敢下此毒手

我與他拚了生哥哥仔細下未亦奔下抓貼上你這淫

婦在家做的好事、喪盡天良、竟敢害我、持杖痛打介貼相公爲着何事、也要問箇明白、末賊淫婦、昨晚酒中、下得好毒、幸爲侍兒傾翻、否則我性命休矣、貼何以見得、末來來來、這狗便是昨晚搶食的你、看口角流血而死、可怕不可怕、貼呆介、末又毒打介、正且生同上、勸介貼作打死介、正且扶下、哭上、可憐主母已氣絕了、末怒坐

椅上介、咳、這也是家門不幸、

琥珀貓兒墜、離家兩載、薄宦愧冠裳、莫掃茅茨、醜在牆、這心腸狠毒過豺狼、悲愴縱把他磨骨揚灰、難洗慚惶、

靈媧石

十

兄弟我離家之後、做出這般醜事、還要害我性命、如今將他打死、亦不爲過、只是此婢一番恩義、不可不報、我欲納以爲妻、兄弟意下如何、正且跪介、老爺此言差矣、主辱而死、婢子獨生、是無禮也、代主之處、是逆理也、無禮逆理、有一猶愈、今盡有之、難以生矣、婢子當以死報主母、痛哭介生、此婢仁厚、秉於天性、哥哥不若厚幣嫁之以全其名、末點頭介、兄弟之言是也、正且多謝老爺、我那主母吓、哭下末、咳、皆是婦人而居心之不同、如此言之可歎、

尾聲。賢。奸。位。置。分。霄。壤。怎。當。他。平。地。掀。成。風。浪。教。我。生。死。  
關。頭。一。場。

兄弟隨我來、同下

靈媧石



十一

無鹽拊膝

丑女扮黑面漏雨大眼駝腰短衣長裙上

憂國憂民  
如此不意  
出之閨閣

設想奇矣

南黃鐘畫眉序表海號名都十萬人家庶還富看肩摩轂  
擊鼓腹含哺漸君王奢侈淫又臣下昏庸諂附燕巢幕  
上危乎殆尙向畫筵歡舞

共工觸倒不周山缺陷從茲滿九寰何況人生殊秉受  
自指介白頭深目更腰彎我鍾離春齊國無鹽邑之女  
也幼喪父母終鮮弟兄醜極無雙生就北宮之黜長成  
寡偶翻憎南子之妍咳行年四十矣無所容於鄉里之

靈媧石

三

間轉自慚於流棄之列聞得國王具有聖德蔽其神聰  
因此拂拭短褐自詣闕廷陳說一番身之榮辱繫此一  
行國之安危亦繫此一行也

關繫甚重  
並非言大  
而夸

點明年歲  
墨無旁瀆

前腔老大笑頭顱學步英雄請纓路歎忘憂無草茹苦多  
茶向九重瞻望如雲曳五兩謂行多露問年啟口顏先赧  
還怕見而生惡

暫下雜扮黃門上

花迎劍佩星初落柳拂旌旗露未乾

自家黃門官國王今日宴於漸臺只得在此伺候 四宮

監引末上

冕旒秀發  
旌旆飛揚

前腔管晏集訂謨。霸業從來冠今古。儘憑凌西晉。傲睨東吳。九諸侯盟會衣裳十萬戶。縱橫置土民安物阜承平世。供我宸游朝暮。

玉帛冠裳靖戰氣。風歌東海繼南熏。五層新築漸臺迴。

狗吠雞鳴處處聞。寡人撫有青齊。雄稱列國對九點而。

煙光歷歷瀕萬頃。而海氣泱泱。政治修明人民安樂。今日傳旨設宴漸臺。不知可曾齊備。

宮監俱已齊備。請大

王上宴。作登臺介末妙阿上得臺來好一派光景也。

前腔泰岱展雄圖。沃壤聯翩聚財賦。飲酒介正香濃玉笋。

靈媧石

篆。裊金爐好雲物近攬幽燕。舉箸介美滋味遠供荆楚錦

衣。玉食尋常奉更佳麗。後庭無數。

丑上究心國事輕家事。放膽天人藐大人。黃門來者何

人。丑妾無鹽邑之女也。聞君王盛德欲求一見。俯伏介

黃門上奏介。啟奏大王臺下有一女子自稱無鹽邑人

氏。願見大王。請旨定奪。末顧左右介。爾等亦識其人否。

宮監聞其名曰鍾離春。天下強顏女子也。末姑召入。寡

人親試之。黃門領旨。出介。大王有命召無鹽邑女子進

見。丑進跪介。臣妾無鹽邑不售之女鍾離春也。特來參

起下

見大王願大王千歲、未爾既不售於鄉里、欲見寡人、又  
何所求、丑竊聞大王聖德、願備後宮之掃除、唯王幸許  
之、左右掩口笑介末、昔者先王爲寡人娶妃匹、皆已備  
有列位、今夫人不容於鄉里、布衣而欲千千萬乘之主、  
亦有何奇能哉、丑睜目介、無有特慕大王之美義耳、未  
雖然、夙何所喜乎、丑竊嘗喜隱、未隱亦寡人所願、試一  
行之、丑一躍、暫下左右皆驚、介末是亦奇矣、黃門試爲  
寡人再召之、黃門下引丑上立介末、夫人之技、吾知之  
矣、其更有所長乎、丑舉手拊膝大呼、四聲介、殆哉、殆哉、

靈媧石

古

殆哉、殆哉、未此何說也、願遂聞命、丑

神仗兒艱難國步艱難國步西秦南楚剝切肌膚况解體  
人人不附壯男未立根本何能堅固怕社稷輕顛仆

前腔重臺華廡重臺華廡琅玕白玉廣拓規模入執公功  
勉赴萬民罷極怨讎上干天怒怕興作妨農務

前腔賢能間阻賢能間阻諂諛日近正直終疏一語批鱗  
便忤萋菲羣小違計永綿國祚怕壅蔽塞言路

前腔荒淫無度荒淫無度肉林酒海殷鑒非誣更女樂伴  
優慢侮沈湎晝夜四境惡聲旋布怕國本漸生蠹

正襟而談  
言者侃侃  
聽者凜凜

臣妾所謂四殆。唯大王度之。末起介痛乎無鹽君之言。寡人今乃聞之。

滴溜子一席話。一席話。沈迷頓悟。三生石。三生石。姻緣合符。賢德關雎同賦。承恩不在容。豈堪貌取正色。而談恍聆典謨。

卿可暫歸。寡人當卜吉而迎也。丑謝大王千歲。黃門引下末

雙聲子。聞忠告。聞忠告。不覺生惶怖。念彼姝。念彼姝。委實稱賢母。言可復。言可復。忙改途。忙改途。洵坤儀。足式早排。

靈媧石

五

鸞輅

宮監們。迅傳工匠。將漸臺拆毀。一面卜擇吉日。立太子。

進慈母。叩拜無鹽君。爲后。不得違誤。宮監領旨。末

尾聲。令儀美德。休辜負。數太姒。椒音足。伍從此。後翊贊臨。溜永福祚。

同眾下

齊媿投身

正旦布衣上 我好苦也、福緣無可結、禍事猝然來、奴家齊國負廓女子名媿、父親名衍、小賢爲生、母親早世、奴因父老、矢志不嫁、侍奉餘年、國中有槐樹一株、爲王所愛、植木其下、令人守之、下令曰、犯槐者刑、傷槐者死、不料我父親偶因酒醉、誤傷槐樹、國王聞之、謂犯禁令、使吏拘繫下獄、看來性命不保、使我呼天不應、入地無門、如何是好、泪介

南南呂嬾畫眉別時容易見時難、死別生離在旦夕間、教靈焘石

去

我呼號何處、籲天闕、這無知大樹、把生人剗、又何嘗槐夏陰清午夢安

反托妙

咳、徒然哭泣、於事無濟、總須想箇法兒、搭救才好、搔首

介 啞、有了、聞得當朝相國晏嬰、足智多謀、頗能齊家治國、上可致君、下能澤民、我不免投入相府、見幾行事、或可以言感動、有理阿有理、只是與我守貞初意、大相悖謬矣、躊躇介 愛、我這身從何來、以身報之、於理亦當、何必游移、一徑投身相府便了、

鎖窗寒、定驚魂、行步蹒跚、恨不能代赴雲陽、把利刃餐著

煞他年衰祚薄影隻形單肝腸迸裂親朋冰炭倒狂瀾何人能挽羞顏依稀趙女走邯鄲竟到了生死交關

我若不去別無能救之方我若竟去不免淫奔之誚孰輕孰重煞費調停也

左右為難其苦衷能曲曲傳出

三段子彌天罪千頓教人心驚膽寒私奔禮干又增人虧心根顏真箇是無情無理將人難椎心泣血難消患我也顧不得了只好出醜人前犯科作姦

說話之間已到相府望介靜悄悄的思想未回來我且閃在一傍暫下侍從引外上贊襄霸王千秋業撫恤饒民

靈媧石

十萬家下官晏嬰生成體短心長贏得政安民樂善交久敬曾見信於孔尼從諫如流得繼功於管仲今日退朝稍晚左右迴避正旦上東郭女子求見相爺眾獨介

外面何人喧嚷眾稟介門外有一女子求見丞相外

莫非有甚冤枉怎不到有司衙門告去眾應出介外不

要阻他姑且着他進來眾引正旦進跪介外你是何處

人氏正旦妾乃負廓女子名婧外何事欲來見我正旦

賤妾不勝其欲願得備數於下外大笑介哈哈嬰其有

淫色乎何為老而見奔命家丁帶入後堂再問左着迴

避了、眾下雜扮家丁伺候更衣介外方才那女子面有  
深憂看他形貌亦非奔女其中必有緣故家丁雜有外  
傳命後堂僕婦教新來女子沐浴更衣前來伺候雜領  
命下外

照天蠟燭  
光察覆盆

東。甌。合。看。他。情。急。遽。貌。愁。煩。痛。泪。盈。眶。未。敢。彈。那。裡。是。風。  
歌。鄭。衛。人。妖。嬈。全。不。見。美。目。清。揚。盼。還。怕。有。家。門。禍。事。出。  
非。凡。冒。險。撲。籠。樊。

丑僕婦帶正旦上  
新姨過來見了相爺正旦叩頭起立

介丑  
新姨我家相爺向來老成持重你不要害怕大着

靈媧石

六

膽兒向前伺候出介  
生薑老格辣梅子青格酸一碟子

醋拌芥末醮小肚頭喫直頭高老譚下外我看你這女

子滿面愁容必有隱衷欲訴不妨對我直說正旦相爺

容稟

解三醒可憐我門庭多難可憐我家口彌單可憐我一厘  
也附生人產可憐我貧賤能安可憐我椿庭落日留陰晚  
可憐我萱室多年樹背寒增悽惋陡然的飛灾天降摧折

心肝

情辭悱惻

妾父衍幸得充城郭爲公民見陰陽不調風雨不時五

穀不滋之故、禱祠於名山、神水不勝麴蘖之味、先犯君令、醉至如此、罪固當死、外原來是傷槐衍之女、正且正是妾聞明君蒞國、不損祿而加刑、不以私恚害公法、不爲六畜傷民、人不爲野草傷禾苗、昔者宋景公時、大旱三年、不雨、召太卜而卜之、曰、當以人祀之、景公降堂北面稽首曰、吾所以請雨者、爲吾民也、今必以人祀、寡人請當之言、未卒、天大雨、所以然者、能順天慈民也、今吾君樹槐、令犯者死、欲以槐之故、殺嫡之父、孤妾之身、恐傷執政之法、而害明君之義、鄰國聞之、皆謂君愛樹而

靈媧石

九

賤人可乎、不可、當非妾一人之私言也。

前腔、端只爲情關、彰輝端只爲事判、恩殘端只爲仁民愛、物非能泛、端只爲公論、難刊端只爲鄰封、側聽南山案、端只爲民隱、思銜東海環、縱然是凶星、犯還望您神明鑒察、理得心安。

怨而不怒  
風雅之遺

外點頭介、言之有理、待我明早入朝、面奏便了、你且迴

避、正且多謝相爺、敢說至誠、通帝座、還期誦諫、挽天心。

下外、前日我爲殺養馬者、數罪而責、感動君心、今日事

同一體、豈可不言。

三學士欲悟君心須直諫。又何勞委宛譏彈。臯陶刑辟遺成。範又豈能人命。關天當草菅布德。先應消禍患。但願得寬法網。赦書頒。

下雜扮黃門上趨承依繡座出納懷王言主公臨朝視

事只得在此伺候外冠帶執笏上媚茲沃若皆爲敬骨

鯁鱗批亦效忠跪介臣晏嬰奏事黃門奏來外臣聞窮

民財力謂之暴崇玩好威嚴令謂之逆刑殺不正謂之  
賊三者守國之大殃也今君窮民財力以美飲食之具  
繁鐘鼓之樂極宮室之觀行暴之大者也崇玩好威嚴

靈媧石

三

令是逆民之明者也犯槐者刑傷槐者死刑殺不正賊  
民之深者也願吾主鑒察之

節節高絲綸重似山太苛煩可憐百姓悲塗炭交扼腕共  
摧肝爭謗訕慎防誹怨民心散有誰大力圖滋蔓振興務  
在去顛頂敷施先要勤宵旰

內官捧詔上主上有旨即時罷守槐之役拔植懸之木

廢傷槐之法出犯槐之囚欽哉謝恩外千歲內官黃門

下外

尾聲快哉雨露傾霄漢一霎裡歡周市闐不枉我爲國愚

枕敢犯顏。

下

靈媧石



三

莊姪伏幟

貼扮女童上 少小偏知禮襟懷獨契天一腔悲憫重萬  
慮國家先時事苦悠忽君心待轉旋欲將幽憤洩微論  
達王前我莊姪年方十歲父親早世慈母在堂側問楚  
王不修政治但事游觀國既將傾家於何有擬將利害  
陳說一番今聞楚王南遊不免告知母親向南郊力諫  
便了

南南呂二犯梧桐樹丹忱出性真黃口多憂患短髮離離

心欲千鈞挽針總盈朝柱石同冰炭我幼稚愚衷敢犯顏

靈媧石

轉更心頭鬱積殊難按骨鯁鱗批諒鑿我無知童叟

母親有請且上鵲聲知報新晴喜鳩語誰深未雨謀孩

兒何事貼母親兒聞國王好淫樂出入不時春秋四十

不立太子今秦又使人重賂左右以惑我王使遊五百

里之外以觀其勢王既出姦臣必倚敵國而發謀王必

不得反兒願往諫之且驚介是何言歟此國家大事滿

朝文武豈無諫者諫而不聽莫可如何汝一嬰兒豈可

出此不經之談咳兒阿你志氣言語未嘗不佳惜乎身

非男子貼母親

顧余禱列  
能不懷愧

東。甌。令。同。秉。受。共。區。寰。一。樣。朝。飧。與。夕。餐。女。孩。兒。也。具。靈。明。眼。思。把。危。機。捍。母。親。你。慢。道。勳。名。從。不。及。雛。鬟。試。看。我。放。膽。翠。華。攀。

且話雖如此說、究無與兒阻諫之理、不可多事、隨我進來、貼做嘴臉、隨下宮監引淨上、荆楚由來貢賦均、歲時

行樂物華新、近來諷諫風殊惡、掉弄機鋒最惱人、孤乃是王是也、生性放誕喜的是聲色之娛、結想元冥、愛的是神仙之術、可恨屈原輩舞文諷諫、釣譽沽名、孤已加放逐、近聞左右說五百里之外、有高唐地方雲雨無常、

### 靈媧石

三

神仙出沒、因此亟欲往觀、內侍們、宮監有淨、昨已傳旨、與衛令其輕車減從、候孤南遊、不知可曾齊備、宮監均已備齊候旨啟蹕淨、如此卽刻命駕、宮監、嚟擺駕、淨加風帽一口鐘引與侍衛引導淨

皂。羅。袍。遙。望。鈿。車。璫。認。天。光。雲。影。霧。鬢。風。鬟。仙。霞。尺。五。鎖。天。關。巫。峯。十。二。排。霄。漢。天。緣。許。合。香。裾。可。攀。天。風。許。引。瓊。漿。可。餐。佳。音。穩。把。青。鸞。盼。

宋玉賦後  
有此繼聲

率眾下貼持幟上

大。聖。樂。心。旌。颺。五。內。難。安。撤。萱。幃。循。蓼。岸。非。是。我。柔。嘉。不。

解。遵。閨。範。要。天。步。挽。艱。難。恨。廷。臣。緘。口。無。忠。諫。我。村。女。椎。心。來。破。鉅。姦。因。此。上。色。絲。低。縮。彩。旗。新。辦。樹。此。緝。竿。

好笑好笑、母親一定不許我往諫國王、我在後院縛幟、於竿、母親道我戲耍、不作隄防、我便執持此幟、悄悄地前來、伏於巖谷之下、待國王到時、見有此幟、必然遣人查問、彼時我自自有道理、伏場左角介右角設布城雜丑扮

侍衛引淨上、作出城介丑、啟奏大王、來此南郊地方、錦樹成圍、花洲綉采、一路光景、頗堪寓目、請大王緩轡而行、淨、正是、孤要一路領略風光、分付儀衛慢慢前進、丑

靈媧石

舌

領旨、貼舉幟介丑作望介請大王暫住鑾輿、前面山谷之中、忽見旗幟一面、不知有無兵馬、藏匿須索查看、淨

爾可飛騎往觀、卽來回奏、丑領旨、作見貼介爾是何人、

執竿在此、驚動乘輿、喫罪不小、貼願有謁於王、在此候

駕、丑笑介、哈哈、這又是稀奇事了、你今年多大年紀、貼

十歲、丑、十歲小孩、有此膽量、看他說些什麼、回介啟大

王、有一女童、伏於幟下、願有謁於王、淨既是女童、何妨

召之、丑領旨、對貼介你可放下此幟、隨我去見大王、貼

隨丑至跪介淨、汝何爲者也、貼妾名莊姪、縣邑之女也、

侃侃而談  
動中竅要

欲言隱事於王、恐壅闕蔽塞、而不得見、聞大王出遊五  
百里、因以幟見、淨子何以戒寡人、貼大魚失水、有龍無  
尾、牆欲內崩、而王不視、淨此何說也、貼大魚失水者、王  
離國五百里也、樂之於前、不思禍之起於後也、有龍無  
尾者、年既四十、無太子也、國無強輔、必且殆也、牆欲內  
崩、而王不視者、禍亂且成、而王不改也、

解三醒、休道我童言多慢、端只為國本攸關、村謠雖俚、同  
襄贊也、思量磐石能安、願龍章布德、勤宵旰、莫鸞輅紛馳、  
擾市闐、還堪歎、只怕的敵謀奸計、表裏相干、

靈媧石

靈

淨孤聞命矣、願悉其詳、貼大王登臺榭、不恤眾庶、出入  
無時、耳目不聰明、春秋四十、不立太子、國無強輔、外內  
崩壞、秦使人內問王之左右、使王不改、日日以甚、今禍  
且構、王遊於五百里之外、王必遂往、國非王之國也、淨  
何也、貼所為致此三難也、以五患、淨何謂五患、貼宮室  
相望、城郭闕達、一患也、宮女衣繡、民人無褐、二患也、奢  
侈無度、國且虛竭、三患也、百姓飢餓、馬有餘秣、四患也、  
邪臣在側、賢者不達、五患也、王有五患、故及三難、  
前腔雖則是災無潦旱、卻已見患切心肝、狂瀾猝倒無人

數語迴鑿  
勝於朱雲  
折檻

挽猶兀是醉夢。斲切莫要乘時行樂。耽清晏還望。恁及早回車。免苦煩人心散怕的。是蕭牆禍起。變出非凡。

淨 所言甚善。侍衛將此女載之後車。卽刻返駕。貼作升

車先下。雜奔上。啟奏大王國門已閉。內亂競作。不可還

矣。淨驚介。果有此事。傳旨速發郵郢之師擊之。雜領旨

淨

尾聲忠言字字無虛誕。好教我垂白頭。願心膽寒可笑他。九列鬚眉轉輪一稚鬢。

眾擁下

靈媧石

美

奚妻鼓琴

正旦布衣上

波瀾誓不起妾心古井水

南南呂宜春合冰霜味。蠶葉心冷。西風敲殘。斷碣伊人何處。清宵耿耿。難安枕。數飛鴻。時盼音書。羞寡鵠。日勤縫紉。莽天涯。多少。羈人姓名誰諗。

欣欣此生。意自爾為佳節。

朝采天桃花。暮折楊柳枝。天桃何灼灼。楊柳何依依。桃花喜合歡。楊枝傷別離。合歡無幾日。別離經歲時。妾心不可展。郎面不可期。肯說楊枝枯。還盼桃花滋。妾身虞人百里奚之妻也。牛衣對泣。不辭涕淚。干行馬首遙瞻。

靈媧石

七

何惜程途萬里。丈夫因不諫。假道之謀。遂作改圖之計。瀕行時對我說道。秦公有道。必能見用。乃一去數年。毫無音耗。為此我艱難跋涉。來到秦邦。各處探問。迄無知者。只得。以鍼帶為生。辛勤餬口。慢慢打聽他消息。便了。

善用反激。愈覺下文。有力借逗。琴字文心。尤巧。

太師引香茫茫。何處占靈識。冷清孤懷。自吟盼不到。文鴛同寢。轉落了磨蝎相侵。我絨愁未織。迴文錦只贏得。泪珠酸。滲愁難禁。啼痕滿襟。早難道。昧心人。別撫瑤琴。

外扮老人上。赫赫三公府。堂堂七品官。自家相國府中司閫的。便是日來府中缺少一箇潑婦。那裡去找。作

見正旦介你這娘行是那裡來的、往那裡去的、正旦老  
 人家、我是異鄉人、投親不遇的、外原來如此、你是何處  
 人氏、我尋什麼人、正旦我乃虞國人氏、丈夫出外多年、  
 聞在秦邦、是以到此、外你如今住在那裡、正旦漂流無  
 定、外既如此、我們府中要賃一潯婦、看你倒也乾淨、你  
 可願意、正旦多蒙提挈甚好、不知尊府在何處、外便是  
 相國府中、正旦敢問相國是何姓名、外豈有此理、相國  
 姓百里名奚、國中三尺童子也都知道、你是異鄉人、難  
 怪、正旦喜背介原來富貴如此、且不要說破相機而行、

靈媧石

庚

轉介老人家如今便去如何、外好極、隨我來、作到介我  
 府中後堂、沒有夫人的、哪這東邊一帶餘房、都可住得、  
 聽你住那一間可好、正旦多蒙照顧、外你自進去、我外  
 邊有事去了、下正旦我原說窮簷僻處、豈能盡悉、上官  
 姓名、今果在此、我好喜也、只是未可冒昧、便認  
 隔尾雲泥分際、相殊甚、鴻鵠難教燕鵲尋、今夜呵、定有燈  
 花報好音、

暫下末紫袍冠帶白鬚儀從引上

黃鐘引子玉女步瑞雲鼎彝調和看百二河山貼妥敢說

是泥丸鐵做。

食牛老叟許調羹。何事要君議重輕。朝罷喜聞家樂奏。怪他錦瑟不成聲。老夫百里奚。位居秦國宰輔幼遭蹭。踰秦公君臣契合大手筆。竟成功業如今國號富強民。稱安樂老夫得坐享昇平。只是糟糠有妻兵亂相失踪。跡杳然存亡未卜。虛懸鳳詔獨守鰥居。不免時形怏怏耳。

畫眉序。柏老念絲蘿。怕警旦雞聲入耳。多恍幃虛夏。珮屢靈媧石。

紆徐為妍卓犖為傑

響鳴珂。歎百年朝露。輕盈攬兩鬢。繁霜堆垛。枉教調燮陰陽。客乾綱。獨自摩挲。

左右迴避。儀從下。二家人上。末起更衣介。取我琴書過

來以消永晝。家人取琴書安几上。介末繙書介。自古氣

運遷移盛衰遞。嬗唐虞。揖讓湯武征。誅降自今由王。而霸風益下矣。窮兵黷武何日得了。置書一邊拂琴介。想

當時舜作五絃之琴。以歌南風。物阜民康。何等氣象也。

前腔。世界樂雍和。上繼堯民擊壤歌。正夫耕婦饁。女織男梭。咳我這裡鼎食鐘鳴。他那裡捱飢忍餓。無端榮落天淵。

借逕而入愈引愈近絕妙文心

判。怎。能。旦。夕。忘。他。

正旦上 明月照空幃、幾年形影獨、姮娥奔蟾宮、應抱桂

花宿、聞得相公今日獨在堂上鼓琴、因此悄地前來看

箇端的、窺介末作見介 堂下何人走動、家人出視介 是

府中潯婦、末着他進來、家人相爺傳你進見、正旦相爺

在上潯婦叩見、末起來你是何處人氏、幾時進我府中

來的、正旦妾身虞國女子、突遭兵亂、與丈夫相失、找尋

到此、蒙相爺厚恩、備為潯婦、

前腔劫運遇干戈、連理枝成兩地柯、歎屢遭饑饉、沒箇騰

靈媧石

三

挪因此上越關山、遍地追踪犯風露、沿門托鉢、遇着一位

老人家、引進府中、殘軀幸免溝渠喪、祇聲聲默默念彌陀

末原來是遭難之人、你丈夫作何生理、正旦我丈夫亦

非等閒、妾身自幼嫻習宮商、敢借相爺寶琴一撫、冒瀆

鈞威、末既是知音、何妨操縵、家丁移琴几下去、正旦就

几彈介低唱介

琴曲原文 百里奚、五羊皮、憶別時、烹伏雌、炊扈屨、今日

富貴忘我為

末驚起介 卿莫是我故妻乎、正旦淚介 然也、末下攜正

少婦城南  
欲斷腸征  
人薊北空  
回首

入題後只須如此安頓若情致纏綿便不是老年境界

且手上堂介 夫人既到此間何不明以告我 正旦相失  
而後已隔多年妾則備歷艱辛守貞不貳不知相公有  
無故劔之思何敢造次 未 夫人說那裡話來老夫憚憚  
獨守數十年矣正室虛懸並無膠續我兩人可謂異地  
同心夫人請上受老夫一拜 正旦 相公請上妾身拜見  
同拜介合

前腔幾載受漸磨異地分將淚眼搓記判開襟袂隔絕山  
河說不盡瑣尾流離數不清相思契濶今朝天幸成歡會  
還因夙世緣多

靈媧石

三

家人詫異介 原來就是夫人夫人在上家丁們叩見 正  
旦 罷了 未 家丁傳諭後堂快設團樂家宴伺候 家丁應  
下末攜正旦手行介 夫人我與你呵

尾聲茄茶飲藥光陰過縱享榮華兩鬢皤才見得貧賤夫  
妻一似老繭窩

夫人請 正旦 相公請  
河下

徐吾會燭

且布衣上

虛籠起了  
無痕迹

南仙呂小措大。苦茶甘薺守貧。凡事無求。楓葉墜空涼意。  
颼颼。奈一瞬促。駒光漸黃昏。到寂寂長夜時候。聽軋軋機  
聲。燈影瘦。難自由恨舉燭。無人書誤投。我只得強顏相就。  
勝鄰家鑿壁光偷。

秋氣一天蟲四壁。銀海光搖虛室白。比鄰熒熒燈燭明。  
欲往從之先避席。貧富相形迹迴殊。所恃此心原匪石。  
奴家徐吾世居齊之東海。居貧食賤守分安常。織紵功

靈媧石

三

深。詎敢比天孫之巧。董鹽力竭。聊欲師德曜之賢。富有  
其鄰家無所蓄。間壁有一李吾家道充盈。屋宇寬敞。因  
此同村女子就續於李家。長夜課功各備燭數。因名會  
燭。奈奴家貧乏。燭常不繼。李吾雖未有言。似覺顏色不  
豫。正是一貴一賤。世態立辨。一富一貧。乃見交情。今日  
且去相會。看他如何光景。再作道理。暫下貼上。人心不  
足。蛇吞象。交道難疏。蛇愛夔。奴家李吾只因我家屋宇  
稍寬。鄰家女子皆在我家紡績。長夜迢迢。頗堪功課。各  
備燭數。以供夜績。只有徐吾家道艱難。燭常不屬。我又

未便拒絕只是一人如此大眾效尤豈不是椿難事今日待他過來須在眾人之前說箇明白才好

不是路氣誼相投。瑣屑家常難代謀。時非偶要從長計較。預爲籌慢包羞。柳條須把春光漏。宮燭休教日暮求。言非謬。除將斷帶方能。怕徒增倜傥。徒增倜傥。

旦上集 唐蓬門未識綺羅香 秦韜玉 曲渚飄成錦一張 杜

牧 蠟燭有心還惜別 杜牧 窗明簾薄透朝光 白居易 李

姐姐各位姊妹尙未到來麼 貼 想必也就來了 四雜旦

扮鄰婦上集 荒畦九月稻叉牙 李賀 柳巷當頭第一家

靈媧石

白居易 去去不知歸路遠 韋莊 輕綃幅幅染朝霞 李賀

天色將晚我們到李家會燭夜績去罷 見介 李姐姐我

們又來攪擾了 貼 豈敢各請歸座 旦 諸位姐姐來了 眾

徐姐姐來得恁早 貼 今日之會妹有一言諸家姊妹以

爲如何 眾 請教 貼 我們會燭夜績原是美事今看徐家

姐燭數不屬請無與夜也 旦 姐姐何出此言貧富乃處

境之常妾以貧故起常先息常後灑掃陳席以待來者

白與蔽薄坐常處下凡此皆爲貧燭不屬之故諸家姐

姐想亦見諒也

長拍敢告同儔。敢告同儔。衷腸聊剖。人世本似浮鷗。這機關何待人謀。不幸等蒿蕞。願食貧居賤。蒙羞含垢。聚首欣逢諸德媛。把銀燭競相投。不許畫屏冷透。正長檠光借。廣廈歡稠。

妾更有說者。一室之中。益一人燭。不爲暗。損一人燭。不爲明。何愛東壁之餘光。不使貧妾得蒙見哀之恩。長爲妾役之事。使諸君常有惠施於妾。不亦可乎。

短拍恩惠長叨。恩惠長叨。工夫各就。庶貧家食指無愁。何事楚人咻也。卜箇閨中蘭臭。只望你光華遍庇。便教我焯靈媧石。

趣語作收  
方可解釋

掌也學箇風流。

眾笑介。徐姐姐倒說得好笑。旣如此。我們不用計較。大家然起燭來同續罷。貼徐家姐也不用見怪。此事關乎大局。我不得不說明耳。且誰來怪你。倒是說明的。我好我何嘗不自知。豈是。有心要李姐姐爲難。且點燭眾同續。

合唱介

掉角兒好。一似鬢鬚雲收。好。一似鳴咽泉流。好。一似滾雪飛花。好。一似躍鷺驚鷗。好。一似掣金蛇。捎玉燕。斂霞標。披霧縠。波紋勻。斂金梭。一擲銀濤萬頭。比西窗巴山夜話。一

收滿燭字  
語不離宗

樣情投。

續完介眾夜已深了、我們收拾回去罷、各起介李姐姐、打攪了、明日再來、貼有慢有慢、明日各位早些來、徐家姐既不見怪、明日照常來、且多謝姐姐、貼恕不遠送了、先下眾出介、今日徐姐姐的話說得有理、那李吾無言可對、徐姐亦不必多心、明日早些來罷、且領教了、尾聲不教時候分宵晝、一席清談勝事留、願天下打破慳關、泯怨尤。

各笑下

靈媧石

三

守錢虜聽者

魏負上書

老旦上

南越調引子 綿搭絮衰年差健。繞膝有萊衣。世澤相貽。一脈書香無墜。廢握網維。國治家齊。但願陰陽調燮。厲氣消彌。奈無端國事齟齬。反教我老馬聞風。要攄咻嘶。

鍼紆餘閒愛簡編。傳家遺教是青氈。有兒忝竊天倉粟。感格君心德未全。老身魏負曲沃人。孩兒如耳現為魏國大夫。聞得秦國來修和好。將公子政立為太子。國王大喜。遣使採訪為太子立妃。使者獻進一人。國王見

靈媧石

美

而美之。將自納焉。老身聞之。寢食不安。待兒子回朝。問箇端的。生上纔完國事。厘家事。又遣朝臣作使臣。進介孩兒見母親。老旦罷了。今日朝中有無新政。生兒奉王命出使齊邦。今已陛辭。回來告知母親。即刻就道。老旦

睦鄰修好。自是正理。出使之道。惟在不辱君命。兒可謹

記。生謹遵慈訓。老旦我聞國王新選王妃。見而美之意

欲自納。此亂於無別。汝胡不匡之。方今戰國。強者為雄。義者顯焉。今魏不能強。王又無義。何以持國。我觀玉中人也。不知其為禍耳。汝不言。則魏必有禍。有禍必及吾

善戲謔兮

良心未泯

家汝言以盡忠、忠以除禍、不可失也。生孩兒亦思諫、諍

未得其間、今又遠出、未便再奏。老旦我自自有道理、汝可

束裝前去。生孩兒拜別。老旦罷了一路小心。生是、先下

老旦我想男女之別、關係最重、二南首詠、關雎、以其樂

而不淫、化行南國、今王所為、正兆禍之端、不可不諫、我

當自草一疏、欵門投訴、正是君王不繫倫常、念巾幗、偏

存匡救心。下宮監引丑上邈邈邈邈、灰堆裏扒出妙法。

有屈有屈、洞房中鑽出老鼈、哈哈孤孤、乃魏王只因奏

國來修和好、把我兒子政立為太子、不覺心中歡喜、遣

靈媧石

三五

使為太子選妃、前日進了一箇、竟有十分美貌、寡人不

免動起火來、老了面皮、竟說自納為妃、那些臣下如何

敢言、究竟細想起來、有些欠通、愛既動、登徒好色之心、

那管周公制禮之說、內侍們。官監有丑命欽天監選擇

良辰、寡人便要成親。官監領旨。老旦執疏上丹心持素

簡、白髮謁黃門、那位在。官監你是何人。老旦妾乃曲沃

老婦、願有謁於王。官監啟奏大王、有曲沃老婦進謁。丑

僭事老婦、要見寡人、難道他也動了色、自行投納、宣他

進來。官監有旨宣老婦。老旦進跪介。妾曲沃之老婦也。

以文爲曲  
如其胸臆  
之所出有  
南朝沈隱  
侯本領

兒子如耳、出使齊邦、臣妾心有所懷、願聞於大王、丑、喔、  
老婆婆爲了僭事、老旦妾有草疏、面陳大王、丑喔、喔、你  
有本章、當面念來、寡人聽、老旦執疏奏介

入破。妾村愚魏負啟。自幼循詩禮。奏爲尊卑儀制。彝倫名  
教。攸係念切。隱微妾謹誠惶誠恐。稽首頓首。伏念人心先  
防匪僻。造端倪夫婦人倫之始。一自干非義。皆喪恥成乖。  
戾不復問。男女居室世道淩夷。大節行將捐棄。壞根基滅  
理傷倫。旋移風氣。

妾聞男女之別國之大節也。婦人脆於志。窳於心。不可  
靈媧石

表

以邪開也。是故十五而笄、二十而嫁、早成其號諡、所以  
就之也、聘則爲妻、奔則爲妾、所以開善遏淫、節成然後  
許嫁、親迎然後隨從、貞女之義也、今大王爲太子求妃、  
而自納之後宮、此毀貞女之行、而亂男女之別也、

破第二正變貞淫區別成平治。嘻嘻嗃嗃家庭猶戒嬉戲。  
况從繩則正從諫則聖尤關大計化起宮幃惟王鑒及

丑 古來帝王惟所欲爲者多矣、老婆婆所言未免迂論、

老旦 大王與言及此、臣妾所言更有證矣、

袞第三自古聖王正妃匹治亂留陳蹟夏興塗山其亡也

文章本天成妙手偶得之所謂裁縫減盡鍼綫迹也

他手爲之非生吞活剝卽東拉西扯那得

如此自然成如容易御艱難益信斯語矣

振筆直書語語切實描頭畫脚者那能如此

以末喜更殷興有喪亡妲已太似徽音又敗幽王衰似可前知願吾王厯鑒興亡把朝綱振勵

周康王夫人晏出朝關睢預見思得淑女以配君子夫睢鳩之鳥猶未嘗見乘居而匹處也夫男女之盛今之以禮則父子生焉君臣成焉故爲萬物始君臣父子夫婦三者天下之綱紀也三者治則治三者亂則亂矣

歇拍治亂倚伏從來相繼絕無欺弊父與子夫與婦隱相繫試誦關雎鳥亦足明大義務知機天地陰陽生成偶奇

中袞第五家事國事兩無異莫啟蕭牆闕設有差池禍旋靈媧石

基民心逆朝論非壓境強鄰蓄心伺間橫欺腥穢遙聞難逃噬臍

今大王亂人道之始棄紀綱之務敵國五六南有從楚西有橫秦而魏國居其間可謂僅存矣王不憂此而從亂恐大王之政危矣

煞尾荆棘叢生患甚魴魚尾秦西矚楚南伺接郊圻王如勤行自修勞來國家呵弭危機念民依伏惟殿下整肅乾綱嚴厲戒澆漓政樂民安化凶轉吉

出破若還鑒妾秉愚忠展布循天理庶使魏國人民游泳

昇平世。妾無任瞻天仰聖。激切屏營之至。

丑阿唷唷。老婆婆說話一字一珠。使寡人慚惶無地。明

日將此妃賜與太子完婚。內侍宮監有丑扶着老婆婆

出朝去傳旨賜魏負粟三十鍾。加進如耳爵秩如令。宮

監領旨。老旦謝大王洪恩。千歲千歲。丑退朝。先下宮

監扶老旦介。老太太好生走。老旦公公不敢有勞。宮監

恕不遠送了。下老旦哈哈。哈老身原說國王並不昏庸

至此。苦於盈廷無敢諫者。我一番疏奏。居然采納。微倖

微倖。舉袖猶餘諫艸香。閉邪陳善效廣颺。王心轉處叨

靈媧石

罕

恩重。國泰民安樂未央。

下

自來譜曲家用韻極寬。自中州音韻出而略嚴。迨崑

山王履青有音韻輯要一書。分十九部爲二十一部。

決擇更細。法律更嚴矣。余向准此書選韻。此韻依琵琶

體微韻。參用支時數字。原本并入魚模歸回則

余所不敢也。明者鑒之。自記

聶姊哭弟

正旦腰裙插匕首上

一起警切

佛時仔肩

倭倭錚錚  
自殊凡品

北中呂粉蝶兒舍死靡他緊抱着冰心一顆歎人心日下  
江河怎能殼挽迴瀾平坎陷廉頑立懦又何須擊筑高歌  
只把那義和仁此身擔荷

平生勁節比蒼松說劍時還掣電鋒棠棣連枝分兩樹  
一般都是鐵陶鎔我聶馨居於軹深井里奉母家居兄  
弟聶政勇敢過人豪俠自喜前有韓大夫嚴仲子慕名  
而來以黃金百鎰獻爲母壽我兄弟再三辭之不獲但

靈媧石

望

聞我弟云老母在政身未敢以許人我母病卒我正在  
悲苦之際亦未暇計及於此乃殯殮事畢我弟忽然不  
見胸中疑惑未敢明言昨日聞鄰人傳說韓相俠累被  
刺現將刺客暴尸於市懸購千金無人知之我已心知  
必是我弟又聞其皮面屠腸此必是恐累及我兄弟阿  
你如此用心使我聞之心如刀割若不前去痛哭一番  
旣無以成弟之賢名亦無以洩我之憤氣左右思量惟  
有挺身而往以明我志

南泣顏回棗萼共枝柯不是尋常瓜葛况生同血性常時

有數鄴下  
黃鬚兒

氣攝天河非關膽大這行藏是蓋世英雄做心腸已鐵石  
磨礪鬚眉更劍戟嗟哦

我想堂堂相府護衛必多我兄弟放膽直前如入無人  
之境其膽量可驚可喜其智識亦可欽可羨也

北石榴花逞雄威驚散了小儻儻殄渠魁何用動金戈袖  
中匕首任摩抄把樓蘭頭銜報知己恩多又何難帶血全  
尸裏只不肯累他人撒網張羅因此上烈轟轟血手肝腸  
流還把那壯儀容剜得似醉顏醜

水聲激激  
風生衣

事已至此我若不去認明千載下尙有知聶政其人者

靈媧石

望

乎

哀怨激烈  
令人一讀  
一擊節

南泣顏回誰何荆棘問銅駝古來埋沒偏多英雄折挫勳  
名大半消磨便穹碑也打破况沒箇斜陽鬣屬在山陰卧  
仗屢砧響徹風前抵猿啼腸斷巖阿

暫下場上設尸一具四雜軍士上

上命差遣概不由已

我們相府中的軍校只因相爺端坐府中忽然被一人  
直入廳堂陡將相爺刺死眾人上前又被他砍倒拏他  
不得他又不走反將自家面皮剗破抉出眼珠割破腸  
腹真正是箇怪人如今相府中的人要找他尸親報仇

涉筆成趣

如怨如慕  
如泣如訴

雄壯

暴尸於市、懸賞千金、教我們在此守候、購求數日、毫無  
影響、哥阿、看起來沒有人敢來認的、我們難道守他一  
輩子、要想箇計策、銷了差使才好、雜我也想過、毫無主  
意、只好守到他骨頭爛完了、我們方好收場、雜這箇等  
到幾時、雜等到我們多死盡了、大家完結、正旦哭上我  
那兄弟、你好苦也、雜那邊有箇女娘、哭過來哩、看他怎  
樣、正旦回頭無望、礙舉目盡悲涼、手足原同體、尸骸併  
一方、來此已是東市、那邊有一宗人、想必是了、近介雜  
你是何人、前來怎麼、正旦撫尸痛哭、介阿、嘎兄弟果然

靈媧石

靈

是你縱欲自戕、何至狼籍如此、我好痛心也、雜噫、尸親  
來哩、雜喔、救星到了、正旦

北鬪鷓鴣、早難道注、定前因、卻怎生飛來奇禍、冷面皮破  
碎、模糊熱心腸、零星堆塚、甫悲他、萱幃入土、深又看你棠  
枝、遭斧鑿、便說是欲報恩仇、又何須恁般結果

咳、兄弟想你一生豪俠、自任今朝心願、雖償自身未免  
太苦了、

南撲燈蛾、縱平生道不煩、奈一旦影先殘、要昂藏、氣概驚  
寰宇、常不吝頭顱、一顆、猛然間音傳耳畔、一霎時痛切心

悲涼

窩只今日淒涼滿眼早聽得蕭蕭寒水冷滄沱

吓兄弟那日母親殞殮之後你忽然不見我便知你幹

此大事未敢明言那知我寢饋難安者累日

北。上。小。樓。心。中。情。自。揣。摩。意。中。事。暗。忖。悵。原。知。道。禍。必。彌。

天。事。必。驚。人。語。必。無。訛。卻。不。料。吐。手。功。成。殞。命。情。甘。忘。身。

無。我。只。合。俺。對。西。風。把。烈。腸。叫。破。

愈唱愈高

痛哭介雜 你哭了半日這箇怪人究竟是什麼人 正旦

爾等聽者此人膽可包天義能貫日豪俠放縱恩怨分

明軼深井里之聶政也 雜 你怎麼認得 正旦 是我的兄

大書特書

靈媧石

箇

第怎不認識

南。撲。燈。蛾。幼。時。節。搵。篋。頻。和。長。成。來。網。常。共。荷。爲。的。是。同。

氣。連。枝。才。知。他。含。真。抱。璞。天。地。間。惟。他。與。我。往。常。時。同。根。

共。萼。到。今。朝。死。曳。生。拖。 拔刀介 一樣的腥風過頸試比來

雙雙七首利如何

自列介雜 喔呵幾日守着一箇今朝變了一雙我們四

箇人剛剛兩箇擡一箇你擡假的我擡真的我倒編了

箇歌兒一面擡起來一面唱起來好麼 雜 好好大家帮

腔 唱介 世事何須太認真認真翻苦了自家身若無此

明眸皓齒  
今何在血  
汗游魂歸  
不得

目空一切

政束完密  
到痕不解

等痴愚輩。只怕天下痴愚要盡滅。倫軋軋逢軋軋逢。  
譚下

靈媧石

望



明神宗  
六朝在  
行於世  
不得

繁女救夫

四宮監引生上星槎誰與問河源。文水湯湯繞掖垣。重疊雲山皆北拱。龍盤虎踞鎮中原。孤乃晉國主君承。文公之盛業。襲汾水之霸圖。東結齊盟。西聯秦好。頗稱強富。得享安平。前命國中精選工匠。製造強弓。計已三年。未見呈進。內侍宮監有生傳旨宣召造弓之人進見。宮監領旨奉旨宣召造弓之人進謁。未捧弓上領旨。

伏筆無痕

北雙調集賢賓受艱劬。苦三年精血盡。人物共陶甄。到今日鈎弦執勒。計平時力竭聲吞。問工倕未識精良。笑良弓

靈媧石

吳

可解磨磷論。胚胎已臻無上品。較純鋼還勝三分。鳳皇輪瑞應霹靂盪驚魂。

壯麗

小人弓匠參謁獻進寶弓。宮監接呈介生。此弓造了幾

年。未造了三年。生何至如此之久。未其材採自燕齊。其

功成非旦夕。生可穿幾札。未以主公神力可穿七札。生

起介待孤試來。宮監進箭生射箭落介生怒介豈有此

理。造了三年未穿一札。速召武士推出斬之。二武士上

執末下且上。功成困苦三年後。命繫存亡一箭中。進跪

介妾繁人之子。弓人之妻也。願有謁於君。生爾有何說

言之有物

且君聞昔者公劉之行乎牛羊踐葭葦惻然痛之恩及草木豈欲殺不辜者乎秦穆公有盜食其駿馬之肉反飲之以酒楚莊王臣援其夫人之衣而絕纓與飲大樂此三君者仁著於天下卒享其報名垂至今

逍遙樂流傳仁聞似風被三春恩普八垠樂滋榮草木欣欣荷包涵有識羣倫養育無偏天理順心傳根明德新民關天人命大德無私至聖如神

生以仁愛物孤豈不知現在爾夫造弓得罪豈能賞罰無分耶日國君行政自以賞罰爲先罰者罰其惰賞者

靈媧石

罍

賞其勞昔帝堯茅茨不翦采椽不斲土墼三等猶以爲爲之者勞居之者逸今妾之夫治造此弓其爲之亦勞矣

金菊香年來奔走遍燕秦暑雨祁寒兩手皸把奇材廣搜函谷盡纔得箇斧弄着班門又何嘗向君門瑣屑表功勳主公不知妾夫治造此弓其幹生於泰山之阿一日三觀陰三觀陽傳以燕牛之角纏以荆麋之筋糊以阿魚之膠此四者天下之妙選也

梧葉兒縱非是棟梁器卻也具盤錯根相陰陽正氣協乾

坤火牛燕壘角麋鹿楚邱筋還把那阿魚膠鍊精純才得箇超倫軼羣

生一札不穿說他何用所謂勞而無功且君不能穿一

札是君之不能射也而反欲殺妾之夫不亦謬乎生胡

說孤家習射有年女子何知而謂不能射乎且妾聞射

之道左手如拒右手如附枝右手發之左手不知此蓋

射之道也生聽汝所言亦頗有理待孤再試之宮監進

箭射穿介生哈哈果得其法內侍看來宮監已穿七札

矣生妙哉妙哉

靈媧石

哭

斡旋得妙

醋葫蘆控霜弦月正圓掣風翎星乍隕視諸正鵠宛通神先中中端恃着心度忖果然見札重重齊穿進今日呵也算得其爭君子禮恂恂

將弓匠放了傳旨賜弓人妻金三鎰去罷且多謝千歲

生引宮監下末上見且介介唬殺我也幸虧賢妻搭救否

則性命休矣且丈夫大凡世之人專以粉飾為高趨附

為尙意在欺人於目前不知禍已於無極妾觀丈夫治

造此弓實心實力辛苦三年今日之禍福卻不可知妾

總覺放心不下因此跟踪而來不料竟有此大變然丈

抉盡弊端  
深於閱歷

夫實心製造、與粉飾者不同、妾今日之言、未免激烈、亦  
言者出於至誠、聽者自能心動、又與趨附者不同、如今  
轉危爲安、轉禍爲福、皆由丈夫實心所至、若謂妾以言  
感君、則滋愧而又滋罪矣、

浪來裡煞你居心本自真、我婦言不出壺到今朝無奈鬱  
懷伸、幸叨恩霎時離白刃、從此後遞懷無悶我勸你拋離  
故業做箇太平民、

可謂家右  
賢妻

末賢妻之言是也

集旦雄略動如神、杜甫

末成風一運斤、李白

靈媧石

號

且我來亦已幸、

韓愈

末妙辨激元津、

王維

同下

余初製此編與慈寮擬議擇可譜者譜之勸懲兼寓原無  
成心非一律彰美德也乃慈寮命名曰女師篇出示同人  
或曰十二人不類如伯嬴等十人皆可為師而西子為  
亡國之孽鄭衰為工妬之尤豈足並列余因更名曰靈媧  
石似於本意無傷矣或仍以爲不然必欲刪去此二齣余  
不忍割愛遂附於篇末亦三百篇正變並存之意云爾玉  
泉樵子又識

靈媧石

辛

泉樵子又識



不願因愛而增詞意歸末亦三百篇正變並存之意元爾玉  
泉樵子又識  
丁國文道就寶獄工世文不  
凡曰十二人皆不類如伯嬴等十人皆可為師而西子為  
亡國之孽鄭衰為工妬之尤豈足並列余因更名曰靈媧  
石似於本意無傷矣或仍以爲不然必欲刪去此二齣余  
不忍割愛遂附於篇末亦三百篇正變並存之意云爾玉  
泉樵子又識

西子捧心

目淡妝上

點絳脣

流水無情越溪幽咽空鳴玉水邊人  
獨眉映遙山綠小病新瘥春去誰知覺迴腸曲葱纖一  
握捧住愁千斛奴家施氏小字夷光世居苧蘿村西桑  
梓為鄰均是祖宗遺澤薰蕕異器空憐姊妹成行父親  
鬻薪為業奴家浣紗相隨自幼得來心疾常時痛不欲  
生因茲感損眉峯豈曰貧而非病今日天氣融和病體  
差減不免往溪邊浣紗則箇提筐行介

南雙調醉扶歸弄柔姿嫩柳腰肢細宛似俺弱體強禁持  
靈媧石

愁緒病情  
歷歷如繪

疊層嵐鎖定影高低漾春波照盡人悲喜祇年時辛苦自  
噓唏儘消磨闌珊情况愁滋味

坐溪邊浣介咳春去秋來年光如駛想我守著這一溪

流水幾疊輕紗何日得了呵

早羅袍歎息浮萍生世怕春光去也沒箇人知誰將逝水  
挽臨歧空教密意憐新綺迴波縹緲層層合離素紉飄漾  
絲絲耦奇這同心境界是俺和你

含毫邈然

丑濃妝上學步何須笑強顏奈他靈蠢隔重山天公縱

不行方便費盡心機想轉圓我乃苧蘿村東施氏之婦

苦心孤詣

也都呼我爲東施。西鄰有一女子名曰西施。嫵娜輕盈。生得十分美貌。只是有心痛之疾。每到病時。兩手捧心。雙眉緊鎖。別人的病容。有何好看。說來卻也奇怪。惟有他真箇不同。春山遙鎖。雲鬢飄而仍開。秋水涵霧。朦朧而欲散。這一種嬌媚之態。實是令人愛煞。扯頭介奴家亦頗有幾分姿色。尙不免對之生慚。不肯妄自菲薄。竭力揣摩他的情態。因此十分與他殷勤。留心演習。倘得學知勝於生。知豈非美播一時。名留萬代。真榮世傳世之盛舉也。

靈媧石

三

月上海棠蓮步移。要留心細揣真關捩。還虧我玲瓏心竅。巧妙神機。眼會波生花帶笑。眉著暈新柳垂稊。言難比欲傾城傾國。仗此靈犀。

見旦介 妹子今日難得出來走走。想病體大好了。且多謝嫂嫂妹子的病體是。

步步嬌 小小心窩如結痞。塊礪重重砌。無端日歎。攪的肝腸。歷亂渾難制。百結把眉伍。只得把柔荑。緊向靈臺抵。說話之間。不覺又是一陣好痛也。低眉捧心介 丑 從旁

是一幅捧心小影

學作醜態介旦

秀逸

寫醜態直  
令人噴飯  
雋語巧妙  
絕倫

山坡羊。陡然間心旌搖曳。驀忽裡神思昏迷。冷冰冰肢體  
先僵。熱騰騰腸胃如湯沸。聲漸微。難言百種酸鹹味。這飛  
灾猝至。教我怎迴避。嬌喘吁吁不絕。絲兒繫魂飛。俏魂靈  
不自持。形離病形骸。誰可醫。

嫂嫂請便奴只得回去了。提筐下丑笑介 僥倖僥倖今

日被我全看出來了。待我來試演試演。作醜態介

好姐姐希奇非關瘦肥。托腮介 强支頤。噎嘴介。櫻唇旋啟。

千嬌百媚兩手捧肚臍。真柔膩。這要得愁雲堆。珠雙眉際

管教他柳眼千條也不向西。

靈媽石

畫

急趕回大嚷介。阿呀痛殺我也。難扮貧富二人借副淨

同上。施大嫂卻是爲何。丑。諸位常說西施的病態。着實

可愛我今日細細的看見。學來與諸位賞鑒賞鑒。愁眉

捧心又嚷介。阿呀痛殺我也。撞富雜介雜 阿呀嚇殺我

也。快些躲開。奔下丑 又撞貧雜介。豈有此理。我人雖

貧窮。卻長了一身傲骨。不會諂媚逢迎。學那些醜態。如

今與此人鄰居。將來不要過來害我妻子。趁早搬往別

處躲開他好。

尾聲。此君奇醜。真無比。怕木怪山妖。尚遜伊。倒不如帶了

妻孥往別處栖。

奔下副淨 施大嫂、他們躲的躲了、逃的逃了、你有本事、

也沒處使了、我想你平日志氣頗高、開口要榮世傳世、

丑 原是我的本意。副淨 如今天生了你這副尊容、那榮

世不用想了。傳世嘿大有可望。丑喜介 到要請教。副淨

譬如史官載筆。忠臣有此一筆。奸臣亦有此一筆。我想

你今日這一場熱鬧。後來必有一位替你大書特書曰。

西施病心而曠。其里醜人見而美之。歸亦捧心而曠。其

里富人見之。閉門而不出。貧人見之。挈妻子而去之。走。

靈媧石

番

豈非萬古之傳人乎。

丑怒打副淨。譚下。

冷語冰人

引用莊子  
作收妙極

鄭裒教鼻

宮監引生上

北南呂一枝花名區帶礪雄勝事衾裯樂

宮女引且上

承

恩勤奉帚近展緩鳴珂合沐浴恩波連理花成朵交枝勝

葛蘿但願得盟百歲百事和諧證雙星雙聲酬和

相見歡

生鳳栖山色當頭樂宸游且一片春光紅紫散

花洲生肩雙拍思無極兩情投且好似漢江深處水長

流生朕乃荆楚國王承先人之盛業襲南國之侯封勁

旅雲屯長江天塹且喜諸侯拱服樂歲豐穰又得夫人

靈媧石

聖

鄭裒性情兼淑色藝俱優頗稱相得夫人且大王生你

看御園春色如許正好及時行樂朕與卿小飲三杯且

是生內侍排宴宮監領旨生攜且手行合哩介

梁州第七你看展笑靨紅桃逞媚舞纖腰綠柳新姓笑東

皇直恁把春掀簸儘饒他雨絲風片畫舫煙波近覩著朱

闌鬪鴨遙望著翠黛環螺有夕陽醉得顏酡有春風吹得

人魔生一似你逗春愁杏臉嬌慵漏春心櫻唇綻破困春

情柳眼輕授云何奈何這風情有箇人兒可且感恩榮

慚負荷怕小艸難禁雨露多敢說是嫵姁同科

且把盞生止介

感皇恩。多這是小飲清歌。花月婆娑。又何須玉笋擎花冠。整禮儀。苛雅稱你花姿玉貌。儘容俺淺酌低哦。準備做米汁佛。醉鄉侯。須不羨白雲窩。

同坐飲介生

夫人前日魏國獻來美人。朕已召御。頗饒

姿媚。夫人意下如何。且妾亦愛之。大王何不召來陪宴。

生內侍宣魏國美人進見。宮監領旨。下引貼上。漫將鄉

思縈長葛。乍許恩光接漢陽。臣妾參見。願大王夫人千

歲。生且平身。貼千千歲。生賜坐一傍。貼謝坐。生美人可

靈媧石

美

將在家情形說與夫人知道。貼容奏。

採茶歌。憶當日受龔磨沒騰挪。貧家賤質難生活。還虧了

雉鳥為媒。供媵婢。因此上蟾宮有福伴嫦娥。

宮監上

啟奏大王。魏國使臣謝恩。候旨還朝。生朕親自

臨朝發遣。宮監領旨。擺駕。生起介。求風一曲。停歌。宴。鳴

鹿三章勞使臣。引宮監下。且美人。我與你得侍大王。同

承寵眷。好生僥倖也。貼便是。妾蒙大王恩幸。又蒙夫人

珍愛。逾常解衣推食。視若所生。時深感激。但妾入宮未

久。不知大王情性如何。還求夫人指示一番。俾得長承

由容貌身  
裁眉眼襯  
出鼻子清  
機徐引

藻思綺合

此種情節  
只能歸入  
做工難道  
隻字

寵眷、旦王道你呵、

牧羊鬪嬌容、貌如花、豔俏身、裁同柳、更喜得笑吟吟、兩  
點秋波、又添上畫不就的遙山、恍一似青螺黛、兩座真箇  
是錦繡堆、堪首屈羅綺隊、把魁奪、貼夫人過譽了、世間那  
有十全的人、大王有不稱意處、還求夫人明示、旦話便有  
一句、這是不好說得、貼妾蒙夫人如此眷愛、有話何妨直  
說、旦既如此、我便說了、大王說你這鼻呵、似越女膽、原嫵  
媚、要郢人斤加琢磨、

貼自摸鼻子、旦大王怎麼嫌我這鼻子、旦原是我亦不解、

靈媧石

五

貼既是夫人知道、還望賜一挽回之法才好、旦故意思

介無己、以袖掩之、貼以袖掩鼻示、旦介且笑介、如此益

增嬌態矣、宮監引生上、睦鄰兼卜閨中樂、療妬無煩海

上方、旦貼同接介、迎接大王、生累卿久候、多飲幾杯、各

入座介、生對貼介、朕已遣發來使、如禮卿可安心在此、

貼掩袖不出聲、介生久視復視、旦且回首不語、介生作

詫異介、呀這是何意、內侍且帶美人回宮、宮監引貼下

生夫人美人何以掩袖不語、旦非妾所知也、生夫人我

與你恩非一夕、豈可知而不言、旦頃嘗言惡聞王臭、生

嫉妬人偏  
能巧言所  
以可惡

八字無限  
悲憤

譏諷甚是

大怒介御者何在雜扮武士帶劍上大王有何鈞令生

速將魏國美人推出剿之雜應下旦大王息怒妾當以

言勸之生豈有此理朕方悅愛之夫人之愛尤甚於朕

此如孝子之養親忠臣之事君也下國賤婢不知感恩

直如此放肆情實難容可氣可恨拂袖竟下旦吊場作

喜介這才見我的手段引宮監宮女下武士提劍貼被

髮上你是何人敢如此無禮雜奉大王之命推出剿鼻

貼哭介阿呀這是那裡說起

賀新郎憑空飛鳥自投羅奇禍從天極刑到我悔當初誤

靈媧石 奕

把凡胎墮。陡逢平地風波。阿呀爹媽吓。你道我尊榮常怙

寵安樂已成窩。那知道星星血點把花容灑。不由人驚魂

迷入夢痛淚湧成河。

雜你與大王好好飲宴爲何惹出禍來貼真是極天冤

枉鄭夫人對我說。大王惡子之鼻。教我以袖掩之。我怎

知他有心害我。又不知如何進讒。觸怒大王。雜原來爲

此莫怪我。說是你奉承太過。上了他的當了。貼可容我

哭訴大王。雜如今不能了。鄭夫人分付大王有言。必須

從命。我如何敢違。快走罷。貼阿呀天吓。

悔之晚矣

尾聲倒不如飲鋼刀快把頭來剝。怎鼓唇鎗偏將鼻子剝。  
我好悔也。悔不該聽訛言翻惹彌天異常禍心兒自摩手。  
兒自搓好教我有忝人前面難躲。

雜押下

靈媧石

堯



